

OLMOSHLAR PRONOUNS

Kishilik olmoshlari

Kishilik olmoshlari (Personal Pronouns) ikki kelishika ega, bosh (nominative) va obyekt (objective) kelishiklar.

Bosh kelishikdagi olmoshlar ega va kesim vazifalarida qo'llanadi.

<i>Birlik (Singular)</i>			<i>Ko'plik (Plural)</i>	
I shaxs	I	Men	We	Biz
II shaxs	-	-	You	Siz
III shaxs	He	U (er)	They	Ular
	She	U (ayol)		
	It	U (narsa)		

My name is Jasur. **I** am a student.

Mening ismim Jasur. **Men** talabaman.

My friend's name is Sultan. **He** is not a student.

Do'stimning ismi Sulton. **U** talaba emas.

This is my sister. **She** is a dentist.

Bu mening singlim. **U** tish shifokori.

That is a book. **It** is a text-book.

Anavi kitob. **U** darslik.

My family is large. **We** are five.

Mening oilam katta. **Biz** besh kishimiz.

Do **you** speak English?

Siz inglizcha gaplashasizmi?

My parents are not at home now, **they** are in Italy.

Ota-onam hozir uyda emas. **Ular** Italiyada.

Obyekt kelishigidagi kishilik olmoshlari to'ldiruvchi va hol vazifalarida ishlatiladi.

<i>Birlik (Singular)</i>		
I shaxs	me	meni, menga, mendan
II shaxs	-	-
III shaxs	hi	uni, unga, undan (er)

m	uni, unga, undan (ayol)
her	uni, unga, undan (narsa)
it	

Ko'plik (Plural)

<i>I shaxs</i>	us	bizni, bizga, bizdan
<i>II shaxs</i>	you	sizni, sizga, sizdan
<i>III shaxs</i>	them	ularni, ularga, ulardan

He met **me/us** at the railway station.
 U **meni/bizni** temiryo'l bekatida kutib oldi.
 The teacher helped **me/us** to translate the text.
 O'qituvchi **menga/bizga** matnni tarjima qilishda yordam berdi.
 A man asked **me/us** the way to the station.
 Bir kishi **mendan/bizdan** temiryo'l bekatiga boradigan yo'lni so'radi.
 Do you know **him/them**?
 Siz **uni/ularni** bilasizmi?
 Please, write **him/them** a letter.
 Iltimos, **unga/ularga** xat yozing.
 The teacher asked **him/them** to repeat the grammar rules.
 O'qituvchi **undan/ulardan** grammatika qoidalarini qaytarishni iltimos qildi.
 Susan is arriving this evening. Meet **her** at the airport.
 Syuzan bugun kechqurun yetib keladi. **Uni** aeroportda kutib oling.
 Susan and Tom are arriving this evening. Meet **them** at the airport.
 Syuzan va Tom bugun kechqurun yetib kelishadi. **Ular**ni aeroportda kutib oling.
 My sister lives in England now. Yesterday I wrote **her** a letter.
 Singlim hozir Angliyada yashaydi. Kecha men **unga** xat yozdim.
 Do you help **them** with their home works?
 Uy vazifalarini bajarishda **ularga** yordam berasizmi?
 The woman carrying a black case looked suspicious and the customs officer asked **her** to open the case.
 Qora jamadon ko'targan ayol shubhali ko'rindi va bojxona ofitseri **undan** jamadonini ochishini so'radi.
 The book is on the table. You can take **it**.
 Kitob stolning ustida. **Uni** olishing mumkin.
 The dog was sitting at the door. The boy opened the door and gave **it** a bone.
 It eshik tagida o'tirar edi. Bola eshikni ochib, **unga** suyak berdi.

He va **she** olmoshlari jinsiga qarab jonivorlarga nisbatan ham qo'llanishi mumkin.

The dog is looking for **his/her/its** bone.

It suyagini qidirypati.

The hen cackled after **she/it** laid **her/its** egg.

Tuxumini tug'ib bo'lgach, tovuq qaqilladi.

Uchinchi shaxs birlik olmoshi **it** hamma jonsiz narsalarga nisbatan ishlatiladi, biroq **ship**(kema)ga nisbatan doim **she** ishlatiladi. Ba'zan insonga juda yaqin bo'lgan narsalar (masalan, avtomobil) ko'pincha ayolga qiyoslanib **she** olmoshi bilan ifodalanishi mumkin.

An'anaga ko'ra **he** aralash guruhlarga yoki jinsi noma'lum bo'lgan guruhlarga nisbatan ishlatilib kelgan. Lekin hozir ko'pchilik buni ma'qullamaydi va bu muammoni olmoshning ko'plik shaklini (**they**) ishlatish orqali chetlab o'tish mumkin.

AN'ANAVIY: **Everybody** brought **his** own book.

Har kim o'z kitobini olib keldi.

NOQULAY: **Everybody** brought **his** or **her** own book.

Har kim o'z kitobini olib keldi.

QULAY: **All** the students brought **their** own bookes.

Talabalarning hammasi o'z kitoblarini olib keldilar.

Egalik olmoshlari

Kishilik olmoshlarining (Possessive Pronouns) har biri o'zining egalik olmoshiga ega. Egalik olmoshlarining ikki shakli bor. Birinchisi **oddiy** shakli bo'lib gapda aniqllovchi vazifasida keladi. Ikkinchisi **mutlaq** shakli bo'lib, gapda otlar o'rnida ishlatiladi.

Egalik olmoshlarining **oddiy shakllari**:

<i>Birlik</i>			<i>Ko'plik</i>	
<i>I shaxs</i>	my	mening	our	bizning
<i>II shaxs</i>			your	sizing

<i>III</i> <i>shaxs</i>	his her its	uning (er) uning (ayol) uning (narsa)	their	ularning
----------------------------	-------------------	---	-------	----------

My brother is an investigator. **His** name is Charly.
Mening akam tergovchi. **Uning** ismi Charli.
Susan is not at home, she is at **her** aunt's.
Syuzan uyda emas, **u** xolasinikida.
Ted washed his face and put on **his** glasses.
Ted yuzini yuvdi va ko'zoynagini taqdi.
This word is not clear to me. I don't know **its** meaning.
Bu so'z menga tushunarli emas. Men **uning** ma'nosini bilmayman.
These people are from England and **their** language is English.
Bu odamlar Angliyalik va **ularning** tili inglizcha.

Egalik olmoshlarining **mutlaq shakllari** gapda otning o'rnida ishlatiladi.

<i>Birlik</i>			<i>Ko'plik</i>	
<i>I shaxs</i>	min e	meniki	ours	bizniki
<i>II shaxs</i>	-	-	yours	sizniki
<i>III shaxs</i>	his her s	uniki (er) uniki (ayol)	theirs	ularniki

This book is not **mine**, it is **yours**.
Bu kitob **meniki** emas, u **seniki**.
My family lives in Oregon, but **his** lives in California (his family).
Mening oilam Oregonda yashaydi, lekin **uniki** Kaliforniyada yashaydi.
Their country is England but **ours** is Uzbekistan.
Ularning yurti Angliya, lekin **bizniki** O'zbekistondir.
Our country is Uzbekistan but **theirs** is England.
Bizning mamlakatimiz O'zbekiston, lekin **ularniki** – Angliya.

Ko'rsatish olmoshlari

Ko'rsatish olmoshlarini (Demonstrative Pronouns) yakka holda olmosh sifatida yoki otlardan oldin aniqllovchi

sifatida qo'llash mumkin. Ko'rsatish olmoshlari masofa yoki masofaga bog'liq bo'lmagan nomuvofiqlikni ifodalaydi.

So'zlovchiga yaqinroq bo'lgan narsa/shaxs yoki qiyoslanayotgan ikki narsadan birinchisini ifodalash uchun **this** olmoshi ishlatiladi va o'zbek tiliga “bu”, “ushbu”, “shu”, “mana bu”, “bunisi” kabi olmoshlar bilan tarjima qilinadi. Uning ko'plik shakli **these** [ði:z] bo'lib, ot o'rnida ishlatilganda o'zbek tiliga ko'plikda (“bular”, “shular”, “mana bular”, “mana shular”, “bulari”, “shulari” tarzida), biror otni aniqlab kelganda esa birlikda tarjima qilinadi.

This is my friend.

Bu - mening do'stim.

This man is our teacher.

Bu kishi – bizning o'qituvchimiz.

These are my books.

Bular – mening kitoblarim.

These books are not expensive.

Bu kitoblar qimmat emas.

So'zlovchidan uzoqroq bo'lgan narsa/shaxs yoki qiyoslanayotgan ikki narsadan ikkinchisini ifodalash uchun **that** olmoshi ishlatiladi va o'zbek tiliga “u”, “o'sha”, “anavi”, “ana shu” kabi olmoshlar bilan tarjima qilinadi. Uning ko'plik shakli **those** bo'lib, o'zbek tiliga “ular”, “o'shalar”, “ana ular” kabi olmoshlar orqali tarjima qilinadi. Aniqllovchi vazifasida kelganda odatda birlik shaklida tarjima qilinadi.

That is not my book.

U mening kitobim emas.

That man didn't tell me his address.

O'sha kishi menga manzilinini aytmadi.

Those roses are more beautiful.

Anavi atir gullar chiroyliroq.

Those are not your books.

Ular mening kitoblarim emas.

Those “kishilar”, “odamlar”, “shaxslar” ma’nosida ham ishlatiladi.

Those who eat too much gain weight.

Juda ko’p ovqat yeydigan **odamlarning** (kishilar/shaxslarning) vazni og’irlashadi.

Those who are friendly have many friends.

Xushmuomala **kishilarning** do’stlari ko’p bo’ladi.

Birgalik olmoshlari

Hozirgi zamon ingliz tilidagi **each other** va **one another** olmoshlari birgalik olmoshlari (Reciprocal Pronouns) hisoblanadi.

each other – bir-bir(lar)i (-ni/-ga/-da/-dan)

one another – bir-bir(lar)i (-ni/-ga/-da/-dan)

Martha and Harold gave **each other** gifts on their wedding anniversary.

Marta va Harold nikoh yubileyarida **bir-birlariga** sovg’alar berishdi.

The students greeted **each other** after their long summer vacation.

Uzoq yozgi ta’tildan so’ng talabalar **bir-birlarini** olqishladilar.

Members of the class were asked to prepare questions for **one another**.

Sinf a’zolaridan **bir-birlariga** savollar tayyorlash so’raldi.

Belgilash olmoshlari

Hozirgi zamon ingliz tilida **all, half, each, every, both, either, neither, another, other(s)** kabi belgilash olmoshlari (Defining Pronouns) ishlatiladi.

all hamma(si), barcha(si)	All are present. Hamma bor. All the boys are here. Hamma bolalar shu yerda. All his children are here. Uning hamma bolalari shu yerda.
half yarim, yarmi(si)	Half a loaf is better than none. Yarimta non yo’qdan ko’ra yaxshiroq.

each (one) har, har bir(i), har qaysi(si)	Each summer they go to the country. Har yoz ular qishloqqa borishadi. Each of the students has own text-book. Har bir talabaning o'z darsligi bor. (<i>yoki</i> Talabalarining har biri o'z darsligiga ega.) Each one of the books is on the table. Kitoblarning har biri stol ustida.
every har, har bir, har qaysi	Every student has his own text-book now. Endi har bir talabaning o'z darsligi bor.
both ikkala(si), har ikkala-la(si), ikkovi, har ikkovi	Both the children are asleep. Ikkala bola (ham) uxlayapti. <i>Yoki</i> Bolalarning (har) ikkalasi uxlayapti.
either ikkala, har ikkala	If either of my brothers wins the race, I will be happy. Agar ikkala akam poygani yutsa, baxtiyor bo'lardim. Do Mary and Margaret both want bananas? Meri va Margaret ikkalasi ham banan yeyishni xohlaydimi? Marry doesn't want any, and Margaret doesn't, either . Meri xohlamayapti, Margaret ham.
neither - not either o'rnida ishlatiladi	The first experiment did not give the expected results, and neither did the second one. Birinchi tajriba kutilgan natijalarni bermadi, ikkinchisi ham.
another boshqa, boshqa bir, yana, yana bir	Ted is reading another book now. Ted hozir boshqa (bir) kitobni o'qiyapti. She wants another cup of tea. U yana bir chashka choy ichmoqchi.
other boshqa	He really doesn't like other coffee. U chindan ham boshqa kofeni yoqtirmaydi. All other books are on the shelf. Boshqa hamma kitoblar javonda.
others boshqalar	Wait for the others . Boshqalarni kuting.

Eslatma: **Either** va **niether** ko'proq teng bog'lovchi vazifasida qo'llanadi.

Kuchaytirish olmoshlari

Kuchaytirish olmoshlarining (Intensive Pronouns) shakllari o'zlik olmoshlariga mos keladi. Kuchaytirish olmoshi to'g'ridan-to'g'ri o'zi tegishli bo'lgan so'zdan keyin yoki gap oxirida keladi. O'zbek tiliga odatda “-ning o'zi-” yoki “o'zi-” tarzida tarjima qilinadi.

The president **herself** spoke to us/The president spoke to us **herself**.

Prezidentning o'zi biz bilan gaplashdi.

The drivers **themselves** were to blame for the accident/The drivers were blame for the accident **themselves**.

Baxtsiz hodisada haydovchilarning o'zlari aybdor edilar.

The dean **himself** visited the class/The dean visited the class **himself**.

Dekanning o'zi sinfga tashrif buyurdi.

Margaret and I did the work **ourselves**.

Ishni Margaret va men 'zimiz bajardik.

Agar birinchi shaxs olmoshi bilan ikkinchi shaxsdagi olmoshni yoki uchinchi shaxsdagi ot yohud olmoshni birga qo'llash kerak bo'lsa, birinchi shaxsdagi kuchaytirish olmoshi gapda ikkala olmoshdan keyin keladi (gapdagi ikkala boshqa olmoshga tegishli ekanini ko'rsatish uchun). Agar ikkinchi shaxsdagi olmosh bilan uchinchi shaxsdagi ot yoki olmoshni ishlatish kerak bo'lsa, ikkinchi shaxsdagi kuchaytirish olmoshi avvalgi ikkala olmoshdan keyin keladi.

*III
shaxs*

I shaxs

I shaxs

Don and I found **ourself** wandering through the
s
building looking for the right classroom.

You and Paul lost control of **yourselves** at the party last night.

O'tgan oqshomdagi kechada sen va Paul o'zingizni yo'qotib qo'ydinglar.

O'zlik olmoshlari

Ingliz tilida o'zlik olmoshlari (Reflexive Pronouns) fe'l yoki predlog to'ldiruvchisi vazifasida gapning egasiga tegishli ekanini ko'rsatish uchun qo'llanadi. Hozirgi zamon ingliz tilida qo'llanadigan o'zlik olmoshlari quyidagilar:

	<i>birlik</i>	<i>ko'plik</i>
<i>I shaxs</i>	myself o'zim	ourselves o'zimiz
<i>II shaxs</i>	yourself o'zing	yourselves o'zlaringiz
<i>III shaxs</i>	himself o'zi	hemselves o'zlari
	herself o'zi	
	itself o'zi	

The child is able to dress **himself**.

Bolaning o'zi kiyina oladi.

Albert hit **himself** on the elbow with a bat.

Albert o'zinig tirsagiga to'qmoq bilan urdi.

The hunter accidentally shot **himself** in the foot.

Ovchi bexosdan o'z oyog'iga otib qo'ydi.

The boy is old enough to go on the bus **all by himself**.

Bola avtobusda yolg'iz o'zi yurish uchun yetarlicha ulg'aygan.

O'zlik olmoshi oxirgi misolimizdagi kabi **all by** birikmasi bilan kelganda "yolg'iz o'zi", "boshqalarning yordamisiz" ma'nosini ifodalaydi.

Istisno: makonni ifodalovchi predlogli birikmalarda o'zlik olmoshlari o'rnida ularning obyekt kelishigidagi shakllari qo'llandi.

They put their books on the tables **in front of them**.

Ular kitoblarini (o'zlarining) oldilaridagi stol ustiga qo'yishdi.

Walter looked up at the light **above him**.

Uolter o'zining tepasidagi chiroqqa qaradi.

The little girl hid her hands **behind her**.

Qizcha qo'llarini (o'zinig) orqasiga yashirdi.

Some, any, no olmoshlari

Some olmoshi “bir necha”, “bir qancha” degan ma'nolarni anglatib, faqat bo'lishli gaplarda ishlatiladi.

There are **some** books on the table.

Stol ustida bir qancha kitoblar bor.

I've got some French books.

Menda bir nechta fransuzcha kitob(lar) bor.

Any olmoshi bo'lishsiz va so'roq gaplarda **some** o'rnida ishlatiladi va “hech qancha”, “hech qanday”, “birorta” kabi ma'nolarni anglatadi.

There are not **any** book(s) on the table.

Stolning ustida hech qanday kitob yo'q.

Are there any book(s) on the table?

Stolning ustida birorta kitob bormi?

I haven't got **any** French books.

Menda hech qanday fransuzcha kitob yo'q.

Have you got **any** French books?

Sizda birorta fransuzcha kitob bormi?

Any olmoshi bo'lishli gaplarda “har qanday”, “istagan”, “xohlagan” kabi ma'nolarda ishlatiladi.

Come and see me **any** time.

Istagan vaqtda kelib, men bilan uchrash.

Some va **any** sanalmaydigan otlardan oldin kelganda odatda o'zbek tiliga tarjima qilinmaydi.

Give me **some** milk, please.

Iltimos, menga sut bering.

I've got **some** money, but not enough to buy a car.

Menda pul bor, lekin mashina sotib olish uchun yetarli emas.

Is there **any** butter in the fridge?

Muzlatkichda saryog' bormi?

Some va **any** olmoshlaridan keyin **of** predlogi kelishi mumkin.

some of ... -ning/-dan ba'zilar (ayrimlari/bir nechta/bir qanchasi)

Some of the books are on the table.

Kitoblarning ayrimlari stolning ustida.

Some of the participants will come later.

Ishtirokchilardan ba'zilar kechroq kelishadi.

any of ... bo'lishli gaplarda -ning/-dan istalgani (har biri/ har bittasi/ har qaysisi/qaysi biri bo'lsa ham); bo'lishsiz gaplarda -ning/-dan hech biri (hech qaysisi/birortasi ham).

Any of the books will do.

O'sha kitoblarning qaysi biri bo'lsa ham bo'laveradi.

Any of those people couldn't give useful information.

O'sha kishilarning hech biri foydali ma'lumot bera olmadi.

Eslatma: Agar so'roq gap orqali biror narsa taklif qilinsa yoki so'ralsa **any** emas **some** olmoshi qo'llanadi.

Would you like **some** coffee?

Kofe ichishni xohlaysizmi?

Would you like **some** cheese?

Pishloq yeyishni xohlaysizmi?

Could you lend me **some** money?

Menga qarzga pul bera olasizmi?

No olmoshi faqat bo'lishsiz gaplarda **not any** o'rnida ishlatilishi mumkin.

There are **no** book(s) on the table.

Stolning ustida kitob(lar) yo'q.

I have **no** time to do it now.

Buni qilishga hozir vaqtim yo'q.

Some, any va **no** olmoshlarining har biri **body, one, thing, where** so'zlari bilan birikib yangi olmoshlarni hosil qiladi.

somebody/someone
ne

anybody/anyone
anything

nobody/no-one
nothing

something
somewhere

anywhere

nowhere

Somebody va **someone** olmoshlari ma'nodosh bo'lib, "kimdir" degan ma'noni anglatadi.

Somebody (or **someone**) is knocking the door.
Kimdir eshikni taqillatyapti.

Something "nimadir", "biror nima", "biror narsa" kabi ma'nolarda ishlatiladi.

I am hungry. I want to eat **something**.
Qornim ochdi. Biror narsa yegim kelyapti.

Somewhere – "biror joy", "biror yer", "qayerdir" kabi ma'nolarni ifodalaydi.

"Where is Ted?" "He is **somewhere** in Europe."
"Ted qayerda?" "U Yevropaning biror yerida."

Some bilan yasalgan barcha olmoshlar tasdiq gaplarda ishlatiladi.

Anybody va **anyone** olmoshlari so'roq va inkor gaplarda "kimdir", "biror kishi", "hech kim" kabi ma'nolarda ishlatiladi.

Can **anybody/anyone** help? (it does not matter who)
Biror kishi yordam bera oladimi? (kim bo'lishidan qat'i nazar)
Don't let **anyone** open the door.
Hech kim eshikni ochmasin.
They did not find **anybody** who could help them.
Ular yordam bera oladigan hech kimni topmadilar.

Anything olmoshi so'roq va inkor gaplarda "nimadir", "biror narsa", "hech narsa" kabi ma'nolarda ishlatiladi.

Did he tell you **anything** about that accident?
U sizga o'sha baxtsiz voqea haqida biror narsa aytib berdimi?
He doesn't know **anything** about the accident.
Baxtsiz voqea haqida u hech narsa bilmaydi.

Anywhere olmoshi so‘roq va inkor gaplarda “biror yer”, “biror yoq”, “biror joy”, “hech yer”, “hech qayer” kabi ma’nolarda ishlatiladi.

Will you go **anywhere** this weekend?

Bu dam olish kunlari biror yoqqa borasizmi?

Last evening I was at home; I didn’t go **anywhere**.

Kecha kechqurun uyda edim; hech qayerga bormadim.

Nobody/no-one faqat inkor gaplarda “hech kim”, “hech kimsa” kabi ma’nolarda ishlatiladi va **not anyone** o‘rnida qo‘llanishi mumkin.

Nobody needs to worry about ice storms in Jamaica.

Yamaykada hech kim qorbo‘ron haqida qayg‘urmaydi.

The examiner asked somebody to come in but **nobody/no-one** came in.

Imtihon qiluvchi biror kishining kirishini iltimos qildi, lekin hech kim kirmadi.

Nothing olmoshi faqat inkor gaplarda “hech narsa” ma’nosida ishlatiladi.

Nothing of their plans was known to me.

Ularning rejasi haqida hech narsa bilmas edim.

There is **nothing** in the box; it is empty.

Qutida hech narsa yo‘q; u bo‘m-bo‘sh.

Nowhere olmoshi faqat inkor gaplarda “hech yer”, “hech yoq” kabi ma’nolarda ishlatiladi.

Nowhere have I seen so many beautiful houses.

Men bunday chiroyli uylarni hech qayerda ko‘rmaganman.